

## Amandmani na Prijedlog Zakona o demobiliziranih branilaca i članova njihovih porodica

Sarajevo, 18.07.2019.godine

DELEGAT IZ REDA OSTALIH  
(SDP BiH): ANER ŽULJEVIĆ

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
n/r predsjedavajućeg Doma naroda

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno:	18-07-2019		
Org. jez.	Broj	Priloga	Vrijednost
	02 - 02 -	13M/19	

x 90

U skladu sa Poslovníkom o radu Doma naroda Parlamenta Federacije Bosne i Hercegovine ,  
podnosim:

### AMANDMANE na Prijedlog Zakona o demobiliziranih branilaca i članova njihovih porodica

#### AMANDMAN I

U članu 2. Dodati stav (3) koji glasi: Demobilisani borci razvrstavaju se u borbeni i neborbeni sektor.

- Demobilisani borac pripadnik borbenog sektora je onaj borac koji je određeno vrijeme proveo u direktnim borbenim dejstvima;
- Demobilisani borac pripadnik neborbenog sektora je onaj borac koji je bio pripadnik civilne zaštite, radne obaveze, namjenske industrije, ratne bolnice, prištabske jedinice, jedinice logistike i svaki drugi borac koji nije učestvovao u direktnim borbenim dejstvima,
- Za preciznije određivanje pripadnika borbenog i neborbenog sektora, zadužuje se Federalno ministarstvo za pitanja boraca i invalida odbrambeno oslobodilačkog rata

#### OBRAZLOŽENJE:

U ovom tekstu Zakona je suštinski jako važno definisati borbeni i neborbeni sektor koji će jasno razvrstati borce kroz Jedinstveni registar boraca i omogućiti kvalitetnu raspodjelu boračkog dodatka.

## AMANDMAN II

U tekstu člana 3. prijedloga Zakona o demobiliziranih branilaca i članova njihovih porodica, umjesto teksta "25 godine života" se dodaje novi tekst:

*„30 godine života“*

### OBRAZLOŽENJE:

U ranijim tekstovima nacrtu ovog zakona i zahtjevima boraca nije stajala odrednica do koje godine života djeca demobilisanih branilaca spadaju u članove porodice demobilisanih branilaca.

Ukoliko se vlada FBiH ipak odlučila da ograniči do koje godine djeca branilaca spadaju u njihovu porodicu, mislim da se treba koristiti dobna granica koja je propisana Zakonom o mladima FBiH, odnosno da su mlade osobe sve do 30. godine života.

## AMANDMAN III.

U tekstu člana 4. prijedloga Zakona o demobiliziranih branilaca i članova njihovih porodica, mijenja se tačka e) i glasi:

*e) Borački dodatak*

a dodaje se tačka r) koja glasi:

*„r) djelimično oslobađanje plaćanja poreza na dohodak“*

U cijelom tekstu prijedloga Zakona o demobiliziranih branilaca i članova njihovih porodica umjesto teksta "novčanu egzistencijalnu naknadu" se piše tekst koji glasi:

*“borački dodatak”*

### OBRAZLOŽENJE:

Ovim amandmanom se dodaje pravo i za demobilisane branioce i članove njihove porodice koje može biti iskorišteno kao poreski odbitak, te smanjuje diskriminacije uspostavljene rješenjima u zakonu. U ranijim tekstovima nacrtu ovog zakona i zahtjevima boraca jasan zahtjev je bio „Borački dodatak“, a ovim prijedlogom Vlade FBiH je isti zamjenjen sa alternativom koja je nazvana „novčana egzistencijalna naknada“.

Smatram da je naziv „novčana egzistencijalna naknada“ ponižavajući nije prikladan za naše branitelje koji su naši heroji.

#### AMANDMAN IV.

U tekstu člana 10. stav 1. prijedloga Zakona o demobiliziranih branilaca i članova njihovih porodica iza teksta "demobilizirani branilac" dodaje se tekst koji glasi:

*„i članovi porodice demobiliziranog branioca“*

#### OBRAZLOŽENJE:

U ranijim tekstovima nacрта ovog zakona i zahtjevima boraca stajalo je da pravo na jednokratnu pomoć u slučaju bolesti imaju i članovi porodice demobiliziranog branioca kako je definisano ovim zakonom. U ovom prijedlogu Vlade FBiH je to reducirano samo na demobiliziranog branioca.

Ovim amandmanom se pravo na jednokratnu pomoć u slučaju bolesti daje i članovima porodice demobiliziranog branioca koji su definisani ovim zakonom.

#### AMANDMAN V.

Mijenja se tekst člana 16. stav 1. prijedloga Zakona o demobiliziranih branilaca i članova njihovih porodica i sada glasi:

*„(1) U slučaju smrti lica iz člana 2. ovog Zakona, članovi porodice iz člana 3. ovog Zakona mogu ostvariti pravo na troškove dženaze/sahrane u visini dvije neto prosječne plaće zaposlenih u Federaciji iz prethodne godine, ukoliko to prvao nisu ostvarili prema drugom propisu.“*

#### OBRAZLOŽENJE:

Ovim amandmanom se svim članovima porodice demobilisanog branioca odobrava pravo na naknadu za troškove dženaze/sahrane, bez obzira da li žive u zajedničkom domaćinstvu, jer činjenica da li porodica živi ili ne živi u istom domaćinstvu ne igra nikakvu značajnu ulogu, niti je relevantan pokazatelj finansijskog stanja porodice branitelja.

Svi naši branioci zaslužuju dostojanstvenu dženazu/sahranu zbog čega smatram da je nepotrebno naknadu vezati uz činjenicu da li porodica živi ili ne sa preminulim braniteljom.

Također ovim amandmanom se povećava iznos naknade u skladu sa realnim troškovima dženaze/sahrane.

## AMANDMAN VI.

### **Član 18. se mijenja i glasi:**

Borački dodatak u smislu ovog zakona je mjesečna novčana naknada demobiliziranim braniocima koja se dodjeljuje pod uslovima, na način i u visini propisanim ovim zakonom, te finansira iz budžeta Federacije, Kantona, gradova i opština.

### **U članu 19. dodaje se stav (3) koji glasi:**

(3) Pravo na borački dodatak može ostvariti žena demobilizirani branilac starija od 50 godina koja je bila pripadnik oružanih snaga najmanje jednu godinu, ako je prijavljena kao nezaposleno lice kod nadležne službe za zapošljavanje najmanje godinu dana, ukoliko stalno živi i ima prebivalište na teritoriji BiH i ako ona i njen bračni partner nemaju sredstava za izdržavanje.

### **OBRAZLOŽENJE:**

Dodaje se pravo na borački dodatak koji može ostvariti žena demobilizirani branilac starija od 50 godina koja je bila pripadnik oružanih snaga najmanje jednu godinu.

## AMANDMAN VII.

**U tekstu člana 29. prijedloga Zakona o demobiliziranih branilaca i članova njihovih porodica, dodaje se stav 2. koji glasi:**

*„(2) Vlada FBiH jednom godišnje podnosi Izvještaj trošenja sredstava koji sadrži imena svih demobilisanih branitelja koji ostvaruju pravo na naknadu i godišnji iznos naknade.“*

### **OBRAZLOŽENJE:**

Ovim amandmanom se propisuje obaveza Vladi Federacije Bosne i Hercegovine da dostavlja godišnje izvještaje o utrošku sredstava Parlamentu Federacije Bosne i Hercegovine, kao i obaveza da ti izvještaji moraju sadržavati imena branitelja i iznose njihovih naknada.

Razlog za propisivanje ove obeveze Vladi FBiH jeste povećanje transparentnosti u utrošku 50.000,000,00KM iz budžeta FBiH.

## AMANDMAN VIII

### Član 44 se briše.

Usvajanjem ovog amandmana će se prilagoditi redni brojevi svih članova u prijedlogu Zakona o demobiliziranih branilaca i članova njihovih porodica.

### OBRAZLOŽENJE:

Predloženim Zakonom o pravima demobilisanih boraca, Član 44. donosi se odredba prema kojoj se vrši diskriminacija djece! Naime, nedopustivo je i diskriminatorno da se pravi bilo kakva razlika među djecom prilikom upisa u srednjoškolske i visokoškolske ustanove. Ovakve diskriminatorne odredbe su vrlo loša poruka djeci. Poruka da ni bolji uspjeh, učenje, rad i trud, nisu garancija napredovanju i ravnopravnog takmičenja... Ovakva odredba ne može biti u interesu niti jednom istinskom, demobilisanom borcu za našu domovinu. Zašto bi u nepovoljnijem položaju bilo dijete samohrane majke, dijete bez oca, dijete čiji otac nije bio učesnik proteklog rata (jer je bio maloljetan, jer je bio otac-npr. učitelj u radnoj obavezi, itd..)? Kako djetetu i s kakvim obrazom, objasniti takav startni deficit, prihvatiti "krivice" i argumenata s kojim ta djeca nemaju nikakve veze. Koji to normalan čovjek, demobilisani borac, kojem je u interesu poštena, pravedna i prosperitetna država BiH, može tražiti da njegovo dijete ima prednost prilikom školovanja u odnosu na dijete s boljim uspjehom. Ova odredba je samo sredstvo manipulacija prilikom upisa, koje koriste političke strukture koje upravljaju obrazovnim ustanovama.

## AMANDMAN IX.

**Mijenja se tekst člana 45. stav 1.** prijedloga Zakona o demobiliziranih branilaca i članova njihovih porodica i sada glasi:

*„(1) Djeci demobiliziranih branilaca čija mjesečna primanja roditelja ne prelaze prosječni mjesečni iznos potrošačke korpe u prethodnoj godini, osigurati će se besplatni udžbenici za vrijeme obaveznog osnovnog obrazovanja .“*

### OBRAZLOŽENJE:

Smatram da djeci demobilisanih borca koji su zaposleni ili u penziji, a nemaju mjesečna primanja veća od potrošačke korpe je također potrebno osigurati besplatne udžbenike. Osnovno obrazovanje je u Bosni i Hercegovini obavezno i navodno besplatno, a djeci nismo obezbijedili udžbenike za učenje. Cijena udžbenika je visoka za sve građane čija mjesečna primanja ne prelaze iznos potrošačke korpe, zbog čega smatram da djeci takvih roditelja je potrebno pomoći, a ne samo onih koji su u stanju socijalne potrebe.

## AMANDMAN X.

U tekstu člana 49. prijedloga Zakona o demobiliziranih branilaca i članova njihovih porodica, dodaje se stav 2. koji glasi:

*„(2) Propis iz stava 1. Ovog člana mora sadržavati odredbu da su identifikacijske kartice elektronske i da će imati mogućnost povezivanja sa registrom.“*

### OBRAZLOŽENJE:

Uzimajući u obzir da u FBiH je veliki broj demobilisanih boraca, jako je važno da evidencija i registar kao i identifikacijske kartice budu kompaktne te podaci u potpunosti digitalizirani.

## AMANDMAN XI

Član 51. stav 2. Mijenja se i glasi: **Federalno ministarstvo će u roku od 6 mjeseci učiniti javno dostupnim Jedinствeni registar boraca u elektronskom obliku, tako što će se iz dijela pripadnosti komponentama Armije BiH, HVO-a, i MUP-a navesti pripadnosti Ministarstvu odbrane/obrane, namjenskoj industriji, civilnoj zaštiti i logističkim bazama te navesti i:**

- Prezime, ime jednog roditelja, ime, godina i mjesto rođenja, mjesto prebivališta;
- Spol;
- Status/branilac, veteren, dragovoljac, organizator otpora, učesnik u ratu i dr.;
- Pripadnost jedinicama u kojima je navedeni boravio u toku rata.

### OBRAZLOŽENJA:

Ovim amandmanom se nastoji u potpunosti kreirati izgled Jedinствenog registra boraca u skladu sa zahtjevima boračkih udruženja koja su insistirala na uzradi registra, a sa ciljem jasnog utvrđivanja ratnog puta svakog korisnika ovog Zakona.

## AMANDMAN XII.

U tekstu člana 51. prijedloga Zakona o demobiliziranih branilaca i članova njihovih porodica, dodaje se stav 3. koji glasi:

*„(3) Federalno ministarstvo će u roku od 60 dana donijeti Pravilnik o objavi Jedinствenog registra branilaca u elektronskoj formi, kojim će se propisati sadržaj i način objave Registra, te osigurati zaštitu ličnih podataka branilaca.“*

### OBRAZLOŽENJE:

Uzimajući u obzir da se radi o jako osjetljivoj materiji i podacima koji će se nalaziti u Jedinственном registru branilaca koji će biti objavljen u elektronskoj formi, smatram da je detalje objave Registra potrebno regulisati podzakonskim aktom, kako bi uslijed eventualnih nedostataka prilagođavanje registra bilo mnogo jednostavnije.

Također moguće je da će za pojedine braniocce biti potrebno pravilnikom regulisati da su moguća izuzeća od objave u registru zbog specifičnih operacija i zadataka koje su obavljali za vrijeme ratnih dejstava.

Kada je u pitanju zaštita ličnih podataka mnogo je lakše prilagođavati podzakonski akt u slučaju određenih nedostataka umjesto zakona.

### AMANDMAN XIII.

**Iza člana 51.** prijedloga Zakona o demobiliziranih branilaca i članova njihovih porodica, dodaju se novi članovi koji glase:

#### *Član 52.*

*(1) Demobilisani branioci imaju pravo na djelimično oslobađanje od plaćanja poreza na dohodak.*

*(2) Lice iz stava 1. ovog člana ima pravo na oslobađanje plaćanja poreza na dohodak u mjesečnom iznosu od 5KM za svaki mjesec proveden u Oružanim snagama.*

#### *Član 53.*

*Vlada FBiH će svojom uredbom detaljno propisati način i procedure djelimičnog oslobađanja od plaćanja pporeza na dohodak demobilisanih branioca."*

Usavajanjem ovog amandmana će se prilagoditi redni brojevi svih članova u prijedlogu Zakona o demobiliziranih branilaca i članova njihovih porodica.

### OBRAZLOŽENJE:

Vlada FBiH je ovim prijedlogom zakona u potpunosti ukinula borački dodatak što je bio smisao svih zahtjeva boračke populacije. Prijedlogom zakona je napravljen novčani dodatak za nezaposlene demobilisane branitelje.

Ovim amandmanom bi zapsoleni demobilisani branitelji imali mogućnost da budu oslobođeni plaćanja poreza na dohodak u iznosu od 5KM za svaki mjesec u Oružanim snagama.

Na taj način bi se svim demobilisanim braniteljima koji su zaposleni se povećala plaća odnosno njihova lična primanja. Ovim amandmanom je propisano da će detaljnu proceduru oslobađanja plaćanja poreza na dohodak propisati Vlada FBiH svojom uredbom nakon usvajanja ovog Zakona

PREDLAGAČ:  
DELEGAT  
ANER ŽULJEVIĆ